

Ilanngussaq 1

Pilersaarusionermut periusissiap P18-ip tamanut saqqummiunneqartup tusarniaassutiginerani akissutit suliarineri aamma innersuussutigineqartutut iluarsineri

Pilersaarusionermut periusissiap P18-imut Kommunalbestyrelse siunnersuuteqarpoq sapaatit-akunneri arfineq pingasut piffissami 28. novembari 2018-imiit 30. januaari 2019-imut tamanut tusarniaassutigineqassasoq.

Piffissaq eqqorlugu tusarniaassummut akissuteqartut marluupput, kiisalu suliffiup iluani pitsaassutsimik qulakkeerinnittoqarluni.

Ingerlatsivimmit akissutigineqartoq pingasunut immikkoortunngorlugu agguataarneqarpoq: Tunngaviusoq, Aaqqitassat aamma Allanguuteqanngitsoq

Tunngaviusoq	Aaqqitassat	Allanguuteqanngilaq
--------------	-------------	---------------------

"Tunngaviusunut tunngasut" pingaaruteqartuupput imaluunniit allanguutaapput annertuut, taakuuppullu politikikkut oqallisaasinnaasut. "Aaqqitassat" iluarsisassaapput annikitsut taavalu "Allanguuteqanngitsumik" allaqqasoqartillugu, allanguisoqassanngilaq imaluunniit aaqqitassaqaassanngilaq.

1. Suliffiup iluani pitsaassutsimik qulakkeerineq

1.1 Paasissutissat qupperneq 11: Innuttaasut amerlassusaat 2018-imut tunngasut iluarsineqarput

2. Ineqarnermut Attaveqaqatigiinnermullu Naalackersuisoqarfiup e-mailikkut

ulloq 15.01.2019-imi nassiussaat

2.1 Immikkoortumut pilersaarutit suliarineqarsimaneri pillugit takussutissartai kukkuneqartut Naalackersuisoqarfimmit oqaaseqaatigineqarpoq.

Ukioq 2016-imi upernaakkut Annaassiniartarnermut upalungaarsimasut pillugit immikkoortumut pilersaarusiunneqarput, taannalu Upalungaarsimanermut pilersaarummut paarlaanneqassanngilaq.

2.1- imut	Tunggaviusoq	Aaqqitassat	Allannguuteqanngilaq
Immikkoortumut pilersaarutit pillugit takussutissartaa ingerlatsivimmit iluarsineqassaaq			

2.2 Kommuneqarfik Sermersuup nalinginnaasumik Upalungaarsimanermut pilersaarutaa 2016-imi upernaakkutaaq suliarineqarpoq.

2.2-mut	Tunggaviusoq	Aaqqitassat	Allannguuteqanngilaq
3.1 takuuk			

3. Kommuneqarfik Sermersuumi nunaqarfinni aqutsisut e-mailikkut ulloq

30.01.2019-imi nassiussaat

Pilersaarusiornermut periusissiaq P18 nunaqarfinni aqutsisunit tapersorsorneqarpoq ima oqaasertalerlugu

3.1 Nunaqarfinni ataasiakkaani allanngutsaaliuineq pillugu avatangiisinut periusissialiortoqarpoq

3.1- imut	Tunggaviusoq	Aaqqitassat	Allannguuteqanngilaq
Nunatat assigiinngitsut pillugit Illoqarfiup assinganik suliaqarnermut ilaassaaq, tamannalu ukkatarisatut sulianut immikkoortumut ilanngunneqassaaq.			

3.2 Tasiilap immikkoortuata eqqaani UNESCO-mut tunggasup qinnuteqaasiarineqarneranut atatillugu nunaqarfinni aqutsisut peqataatinneqarnissartik kissaatigaat.

3.2-mut	Tunggaviusoq	Aaqqitassat	Allannguuteqanngilaq
Pingaarnertut pilersaarutit suliarinerini, UNESCO-mut qinnuteqaatit ilanngullugit, soqutigisaqaqatigiit peqataatinneqartarnissaat anguniagaassaaq, aamma immikkoortumi nunaqarfinni aqutsisut ilanngullugit.			
Taamaattoq sukumiisumik pilersaarusiornermut attuumassuteqarpoq taamaalilluni pilersaarusiornermut periusissiamut pingaarnermut attuumassuteqarani.			

3.3. Takornariaqarnerup ineriartortinneranut immikkut sammisaqarluni pilersaarummi Qeqertarsuatsiaat peqataatinneqarnissartik kissaatigaat

3.3- mut	Tunggaviusoq	Aaqqitassat	Allannguuteqanngilaq
Pilersaarusiornermut periusissiami qupperneq 25-mi suliniuteqarfigisassanut ilanngunneqarnissaq Qeqertarsuatsiaanit kissaatigineqarpoq.			

3.4 Arsuup eqqaani najukkami innuttaasut iluaqutissaannik umimmaqassutsip piujuartitsilluni piniagaanissaat, atorluarnissaat ingerlatarinissaallu Inuussutissarsiornerup ineriartortinnissaanut pilersaarutit suliarineranut atatillugu kissaatigineqarpoq.



3.4-
mut

Tungaviusoq	Aaqqitassat	Allannguuteqanngilaq
Tamanna inuussutissarsiornerup ineriartortinnissaanut pilersaarummit kalluarneqassaaq pingaarnertullu periusissiamut attuumassuteqarani.		

3.5

Inuussutissarsiornerup ineriartortinnissaanut pilersaarutit suliarineqarneranut atatillugu Arsummit nuttarneq atortuutillu pioreersut ilanngullugit pingartillugu isigineqassasoq kissaatigineqarpoq, matumani illut atorineqanngitsut ilaatigut aallarnissaaneq tapersorsorniarlugu.

3.5-
mut

Tungaviusoq	Aaqqitassat	Allannguuteqanngilaq
Takuuk 4.4		

x/x Tusarniaassummut akissutit tamaasa.

Inussiarnersumik inuulluaqqusillunga

Sanarfinermut Avatangiisinullu Ingerlatsivik

Illoqarfimmik Inerisaaneq

